



# County of Fresno

## DEPARTMENT OF PUBLIC HEALTH

Fresno County  
Lub Chaw Saib Kev Noj Qab Nyob Zoo

TSAB NTAWV CEEB TOOM LOS NTAWM TUS TUAM THAWJ SAIB KEV NYAB XEEB

Kev Cai hloov Ntxiv lub 5 hlis hnuv tim 20, 2020

Raw li xeev Kaslisfuanias (California) tshab cai tswj saib kev nyab xeeb 101040, 120175.5(b) Tus Tuam Thawj Saib Kev Nyab Xeeb ntawm FRESNO COUNTY LUB CHAW SAIB KEV NOJ QAB NYOB ZOO tsab ntawv ceeb toom muaj raws li nram no:

1. Qhov kev ceeb toom no yog kev txiav txim los ntawm lub KOOM TXOOS SAIB KEV NYAB XEEB NTIAJTEB (World Health Organization) tshaj tawm txog tus kab mob uas kis thoob plaws qhov txhais chaw (COVID-19). COVID-19 uas yog ib tug kab mob rau feem txoj kev ua pa. Nws muaj feem kis ib tug rau ib tug tau. Tus kab mob no nyob rau ntawm cov ncos qaub ncaug me, thaum tus neeg mob nws txham, hnoo, los yog ua pa tus kab mob yuav ya nrog cov pa cua tawm tuaj.
2. Cov kev ceeb toom (xaj) no yog ceeb toom raws li, thiab los ntawm cov tib neeg tseem ceeb xws li: lub 3 hlis hnuv tim 4, 2020 uas yog los ntawm Tus Tuam Thawj Tswj Xeev Kaslisfuania Gavin Newsom; Lub 3 hlis hnuv tim 13, 2020 los ntawm Tuam Thawj Coj Tswj Teb Chaw Asmelikas Donald Trump; lub 3 hlis hnuv tim 15, 2020 los ntawm Chaw Saib Kev Nyab Xeeb hauv lub Nroog Fresno uas yog hais txog tus kab mob COVID-19 tshwm ceev zuj zu uas yuav ua rau pej xeeb raug kev phom sij. Lub 3 hlis hnuv tim 17, 2020 Cov Tsav Xwm (Board of Supervisors) hauv lub Nroog Fresno txiav txim siab pom zoo koom tes nrog lub Nroog Fresno Qhov Chaw Saib Xwm Txheej Kub Ntxhov thiab Chaw Saib Kev Nyab Xeeb cov kev tswj fwm ceeb toom thaum lub 3 hlis hnuv tim 11, 2020 los ntawm xeev Kaslisfuanias lub Chaw Saib Kev Noj Qab Nyob Zoo txog cov kev txwv tsis pub muaj kev sib koom coob txog 250 leej los yog tshaj; Tuam Thawj Saib Xeev Kaslisfuanias Gavin Newsom Tsab Ntawv Ceeb Toom (xaj) N-25-20 thaum lub 3 hlis hnuv tim 12, 2020 kom cov chaw so thiab lwm cov chaw kho mob, thiab lwm cov chaw uas zoo npaj ua chaw ceev cov tib neeg uas kis tus kab mob COVID-19 lawm los yog cov tib neeg uas twb ho muaj feem kis tus kab mob tau los nyob kho lawv tus mob, los yog nyob ua chaw nkaum kom lawv txhob kis tau tus kab mob rau lwm tus; txoj kev taw qhia rau pej xeeb thaum lub 3 hlis hnuv tim 15, 2020 los ntawm Lub Chaw Loj Siab Tswj Kev Nyab Xeeb (CDC), lub Xeev Kaslisfuanias Saib Kev Nyab Xeeb, thiab lwm cov chaw Saib Kev Nyab Xeeb nyob thoob teb chaw Asmesliskas thiab cov teb chaw thoob ntiaj teb tshaj tawm kom ncuva cov koom txoos uas muaj tshaj 50 leej tib neeg tuaj koom ib qhov chaw uake; Tuam Thawj Tswj Xeev Kaslisfuanias Gavin Newsom tsab ntawv ceeb toom N-33-20 kom cov chaw saib xyuas neeg mob, chaw tu cov laus uas muaj mob npaj kom muaj chaw ntxiv thiab tso cai rau cov nom tswv hauv lub zos kom siv cov tib neeg uas paub txog tej hauj lwm no tabsi lawv ho nim qhuav so hauj lwm lawm rov tuaj pab tu thiab tiv thaiv tus kab mob COVID-19; thiab Tuam Thawj Coj Gavin Newsom tsab ntawv Ceeb Toom N-39-

***Promotion, preservation and protection of the community's health***

1221 Fulton Street /P. O. Box 11867, Fresno, CA 93775

(559) 600-3200 ☐ FAX (559) 600-7687

The County of Fresno is an Equal Employment Opportunity Employer

[www.co.fresno.ca.us](http://www.co.fresno.ca.us) ☐ [www.fcdph.org](http://www.fcdph.org)

20 kom nrhiav cov neeg ua hauj lwm saib xyuas neeg mob ntxiv los pab kho thiab saib tus kab mob COVID-19 no. Tus Tuaj Thawj

Coj thiab Tus Thawj Saib Kev Nyab Xeeb yuav ceeb toom zuj zu ntxiv txog kev mob uas cuam tshuam rau tus kab mob COVID-19 uas yuav ua kev phom sij tau rau pej xeem.

3. Lub sij hawm hnuv no, muaj tshaj li 4.4 vam tus neeg mob thoob ntiaj teb thiab muaj tshaj 302,000 tus tag sim neej. Nyob hauv lub xeeb Kalisfuanias muaj 73000 tus neeg uas kis tus kab mob no thiab muaj 3000 tus tag sim neej. Yog peb tsis txwv tiag, peb tseem yuav pom tib neeg yuav kis tus kab mob no coob zuj zu ntxiv.
4. Lub sij hawm no tseem tsis tau muaj tshuaj los kho tu kab mob no, tab sis yeej muaj txoj kev yuav cheem kom sawvdaws txhob kis tau tus kab mob ceev thiab kis rau tej pej xeem uas nyob ua ib zej ib zos. Txwv kom koj txhob chwv raug tus neeg mob nws cov ncos qaub ncaug uas ya tawm tuaj. Txoj kev yuav txwv no yuav tau txuag txhob mus koom tej lub koom ntxoos loj los yog koom nrog tej pab pawg neeg coob tuaj koom ua ke, xyaum nyob kom sib nrug deb ntawm tej tib neeg. Yuav tau txwv kom nruj, cais tus neeg uas twb mob lawm thiab tus uas muaj feem kis tau tus kab mob txhob pub nyob ze nrog cov neeg uas tsis tau mob.
5. Nyob rau ntawm Fresno Lub Chaw Saib Kev Noj Qab Nyob Zoo, vim rau qhov nyob rau hauv lub zos no thiab nyob thoob tebchaw no tseem muaj cov tshuaj thiab cov khoom siv los kuaj tsis txaus rau sawvdaws yog li peb thiaj kuaj cov uas tsim nyog yuav tau kuaj raws li CDC txoj kev cai tswj thiab tseem yuav kuaj mus ntxiv.
6. Pib txij lub 5 hlis hnuv tim 18, xyoo 2020, yuav muaj kev tswj los siv rau lub nroog Fresno thiab cov zej zos uas nyob ib cheeb tsam ntawm nroog Fresno raws li hais nram qab no:
  - A. Lub lag luam los yog chaw ua hauj lwm twg yog npaj yuav rov qhib, los si yuav nthuav ntxiv, los yog ib tug twg yuav ua lag luaj los ua chaw ua hauj lwm rau hauv nroog Fresno, yuav tau ua raws Lub Xeev txoj kev cai tswj kom muaj kev ruaj ntseg los tiv thaiv rau cov ua hauj lwm thiab cov tib neeg tuaj koj lub lag luam los yog chaw hauj lwm lub sij hawm muaj kab mob COVID-19 no. Yog lub lag luam los chaw hauj lwm twg xav tias yuav ua tsis tau raws Lub Xeev txoj kev cai tswj, tus tswv yuav tau tuaj nrog Fresno Lub Chaw Saib Kev Noj Qab Nyob Zoo (FCDPH) tham thiab qhia txog nws txoj kev cai npaj hloov txawv tabsi haum raws li Leb Xeev txoj kev cai tswj. Ib txoj kev cai npaj hloov twg yuav tsum tau kev tso cai los ntawm Fresno tus Thawj Saib Kev Noj Qab Nyob Zoo ua ntej yuav hloov los yog pauv uas txawv ntawm Lub Xeev txoj kev cai tswj. Thov hu tau rau (559) 600-3200 mus muab cov ntaub ntawv qhia txog txoj kev hloov los yog pauv no.
  - B. Txhua tus neeg ua hauj lwm yuav tau:
    - i. Kom tes ua raws txoj cai nrog FCDPH txoj kev soj ntsuam thiab kev tswj qhia kom raws sij hawm thaum tus neeg ua hauj lwm kuaj tau tias nws mob tus kab mob COVID-19 lawm.
  - C. Cov kws tshuaj saib xyuas neeg mob yuav tau:
    - i. Txhua hnuv qhia thiab xa cov neeg uas kuaj tau muaj tus mob ua npaws uas ua pa tsis taus (febrile respiratory) tuaj rau ntawm lub Tuam Tsev Saib Noj Qab Nyob Zoo.

- ii. Thaum xa tug neeg mob cov ntaub ntawv tuaj yuav tau teev nws lub noob nyoog, chaw nyob, thiab tus tsos mob, qhia saib twb kuaj nws rau tus mob COVID-19 lawm los tsis tau; thiab
- iii. Yog hais tias kuaj tsis tau kiag tias nws mob hom mob twg, qhia kom nws nyob twj ywm hauv tsev li 10 hnuv thaum pib ua npaws los yog tsis xis neej los, los yog 3 hnuv tom qab uas zoo lawm yam tsis tau noj tshuaj pab li thiab hais qhia rau cov tib neeg uas nws tau nrog nyob uake kom yuav tau nyob twj ywm hauv tsev li 14 hnuv txhob nyob ze lwm tus neeg pib txij hnuv nws tau nyob ze tus neeg mob no los.
- iv. Npaj cov ntaub ntawv uas cov neeg lawv tuaj kuaj rau ntawm koj lub chaw kuaj mob thiab muab qhia rau lawv paub kom sai li sai tau tom qab kuaj tau lawv tus mob lawm.

D. Cov chaw ua hauj lwm uas yog ua liaj ua teb:

- i. Txhua nub yuav tau qhia kom sawvdaws nyob hauv qab tswj fwm ntawm txoj cai tiv thaiv tus kab mob COVID-19 rau cov tswv thiab cov ua hauj lwm kom yoog cov lus ceeb toom lub 4 hlis hnuv tim 7, 2020 los ntawm Kaslisfuanias lub Chaw Saib Kev Ua Hauj Lwm thiab tiv thaiv kev ruaj ntseg (Industrial Relation Division of Occupation Safety & Health Publication Unit)
- ii. Lub Chaw Saib Kev Noj Qab Nyob Zoo thiab/ los yog tus thawj saib Kev Nyab Xeeb kuj tseem yuav pauv cov kev tswj fwm no yog muaj lwm yam ua tsim nyog yuav pauv ntxiv.

E. Rau Lwm Cov Chaw Ua Hauj Lwm:

- i. Txhuas hnuv yuav tsum nug lawv saib lawv puas muaj mob (febrile respiratory illness) xws li hnoos, ua npaws, ua pa tsis taus los yog ua pa nyuaj.
- ii. Yog tias leej twg muaj mob xws li hnoos, ua npaws thiab ua pa tsis taus los yog ua pa nyuaj yuav tau (febrile respiratory illness) txhob cia lawv tuaj ua hauj lwm, lawv yuav tau nyob 10 hnuv hauv tsev pib txij lawv pib mob los. thiab
- iii. Hais qhia kom lawv yuav tsum tau nyob hauv tsev, txhob nyob ze nrog tib neeg, thiab kom cov tib neeg ua nws nyob ze nrog yuav tau nyob hauv tsev li 14 hnuv pib txij hnuv lawv tau nyob ze tus neeg mob no.
- iv. Fresno Lub Chaw Saib Kev Noj Qab Nyob Zoo (FCDPH), tus Thawj Saib Kev Nyab Xeeb, thiab tej lub chaw saib neeg ua hauj lwm Kev Nyab Xeeb, nrog rau kev pom zoo los ntawm tu Tuam Thawj Saib Kev Nyab Xeeb muaj feem yuav hloov cov kev tswj kom tsim nyog hloov. Cov Chaw ua hauj lwm yuav tsum tau nug mus rau Lub Chaw Saib Kev Noj Qab Nyob Zoo thiab tau. Thov hu tus xov tooj (559) 600-3200 mus muab cov ntaub ntawv qhia txog txoj kev hloov los yog pauv no.

F. Txhua Tus Pej Xeeb yuav tsum tau:

- i. Soj ntsuam lawv tus kheej rau tus kab mob COVID-19 thiab

- ii. Cais lawv tus kheej txwv txhob nyob ze lwm tus yog tias twb pom tus tsos mob no tshwm thiab mob tau li 10 hnuv tom qab ua kis tau, tshwj yog tias yuav tsum tawm mus nhriav kev pab ntawm kws tshuaj, thiab yuav tau hais qhia rau lawv cov neeg uas tau nyob uake ntawv kom lawv yuav tau nyob hauv tsev txhob nyob ze lwm tus li 14 hnuv.
  - iii. Yog lub chaw ua hauj lwm Saib Kev Noj Qab Nyob Zoo thov kev koom tes kom nrog lawv soj ntsuam txog cov neeg sib ze tau sib kis kab mob, koj yuav tau koom thiab ua kom raws lub sij hawm teem tseg thiaj tiv thaiv tau kev nyab xeeb rau hauv koj lub zej zos.
1. Cov kev tswj rau cov tib neeg ua ntej yuav rov mus ua hauj lwm:
    - a. Cov ntsiab lus hauv qab no yog yuav hais ntsig txog cov kev tswj uas tso cai rau cov neeg uas yuav tuaj ua hauj lwm, raws li kev pom zoo rau lub sij hawm no los ntawm Lub Chaw Loj Saib thiab Tswj Kev Nyab Xeeb (CDC)
      - i. Fresno Lub Chaw Saib Kev Noj Qab Nyob Zoo (FCDPH), tus Thawj Saib Kev Nyab Xeeb, thiab tej lub chaw saib neeg ua hauj lwm Kev Nyab Xeeb, nrog rau kev pom zoo los ntawm tus Thawj Saib Kev Nyab Xeeb muaj feem yuav hloov cov kev tswj kom tsim nyog hloov yog tias muaj lwm yam kev tswj uas yuav tau hloov ntxiv.
      - ii. Cov Chaw ua hauj lwm yuav tsum tau nug mus rau Lub Chaw Saib Kev Noj Qab Nyob Zoo thiab tau kev tso cai los ntawm tus Thawj Saib Kev Nyab Xeeb ua ntej yog lawv yuav hloov cov kev tswj hais los saum no thiab tau kev tso cai lawm lawv thiaj siv tau thaum cov neeg rov tuaj ua hauj lwm.
  - B. Cov neeg yuav rov qab mus ua hauj lwm:
    - i. Tom qab 10 hnuv dhau mus pib txij hnuv kuaj tau tias kis tau tus kab mob COVID-19, tabsi tu kab mob ho tsis pom tswm ntawm lawv lub ce thiab ho tsis hnob muaj mob dab tsis li.
    - ii. Tom qab 10 hnuv dhau mus pib txij thaum pib mob tus kab mob COVID-19 thiab 3 hnuv tom qab txij thaum zoo cov tsos mob, yog tsis nws tsis muaj cov tsos mob tshwm ntxiv lawm.
  2. Cov ntsiab lus rau cov kev ceeb toom no:
    - a. Mob febrile respiratory txhais tau tias “tus kab mob hnoos, ua pas tsis taus pib mob los yog mob heev zuj zu ntxiv nrog kev mob npaws (txias txog 38 C los yog kub txog 100.4 F los siab tshaj) los yog ib ce ntxooj yuav kub yuav no li 24 teev.
    - b. Nyob ze nrog: Txhais tau tias koj tau nyob ze nrog ib tus neeg li 15 feeb los tshaj uas nyob sib nrug ze tshaj li 6 kauj ruam.
    - c. Kev cais los yog ceev (isolation): Txhais tau tias cais tus neeg uas mob tus kab mob sib kis lawm ceev cia rau ib qhov chaw kom txhob kis tau rau cov neeg uas tsis tau mob.

- d. Kev txwv (quarantine): Txhais tau tias txwv los cais tus neeg uas muaj feem kis tus kab mob rau ib qhov chaw es ntsuam tos saib nws puas kis tau tus mob los yog puas pom cov tsos mob tshwm.
- e. Kev nrug thaum muaj kev koom ua pab pawg (social distancing): Txhais tau tias nyob nrug deb li 6 kauj ruam ntawm tej tib neeg, tshwj koj tsev neeg hauv tsev;” thiab
- f. Cov tsos mob ntawm tus kab mob COVID-19:
  - (i) Ua npaws
  - (ii) Hnoos
  - (iii) Ua pa tsis taus
  - (iv) Ib ce ntxooj li yuav ua mob
  - (v) Ib ce tshee tshee/ib ce tshee yoj yeeg
  - (vi) Mob leeg
  - (vii) Mob taub hau
  - (viii) Mob ncaj pas
  - (ix) Nim qhuav pib Noj tsis hnov qab lo yog tsis hnov ntxhiab tsw

3. Txhua tus hauv lub nroog Yuav Tsum Tau npog qhov cauj qhov ntsw pib txij lub 5 hli hnuv tim 22, 2020:

Los tiv thaiv rau sawvdaws thaum cov lag luam, chaw hauj lwm yuav rov qhib uas yog qib 2 los ntawm Lub Xeev kev npaj los hloov txoj kev ceeb toom (xaj) kom sawvdaws nyob hauv tsev, txhua tus pej xeeb yuav tsum tau siv hnab ntaub los npog qhov ncauj qhov tsw lub sij hawm ua hauj lwm txawm tias ua hauj lwm rau sab hauv tsev xwb, thaum mus ntsib tib neeg rau tej chaw ua hauj lwm, los yog ho mus ze rau tej tib neeg uas tsis yog koj tsev neeg kiag, yoog kom raws CDC txoj kev tswj los tiv thaiv kev sib kis kab mob ua pa thaum txwv tsis tau rau lub sij hawm muaj neeg coob tuaj uake.

- i. Siv lub hnag npog qhov ncauj uas pa tawm tau tom ib sab tsis yog hom uas txoj cai pub siv.
- ii. Cov laus uas muaj mob ua pa nyuaj, muaj tej yam kab mob nrog nws, thiab cov menyuum hauv qab 12 xyoo tsis siv hnab npog qhov ncauj qhov ntsw los tau vim tsum lawv ua tsis taus pa; tiam sis lawv kuj tseem yuav tau yoog txoj cai sib nrug deb li 6 kauj ruam ntawm tib neeg uas tsis yog koj tsev neeg.
- iii. Ob txhais tes yuav tsum ntxuav huv si ua ntej yuav muab lub hnab los npog ntsej muag los yog yuav muab rho tawm, thiab txhob muab ob txhais tes kov ntsej muag heev thiaj

tiv thaiv kom kab mob txhob kis tau rau koj los ntawm tej qhov chaw dim pa ntawm koj lub npog ntsej muag.

- iv. Qhov kev tiv thaiv yuav tsum tau ua no yog los pab kom tus kab mob COVID-19 (Novel Corona) txhob sib kis tau ceev rau tib neeg sawvdas thaum kev lag luam qhib uas txoj kev sib nrug txwv tsis tau vim tsis muaj chaw txau sawvdaws.
- v. Lub Nroog thov kev koom tes ntawm pej xeem sawvdaws kom yuav tau txau siab hlo pab yooq txoj cai tiv thaiv no thiab kom cov chaw ua hauj lwm hais qhia thiab sau ntawv lo qhia kom lawv cov neeg ua hauj lwm paub txog txoj kev cai npog qhov ncauj qhov ntsw no.
- vi. Txoj cai yuav zam tau rau tus neeg ua mus zaum noj mov hauv lab noj mov (restaurant) tsis tas npog qhov ncauj qho ntsw los tau.
- vii. Cov kev tswj ntsig txog tsev kawm ntawv thiab lwm cov chaw uas tsoom fwv tseem yuav npaj qhib rau qib 3 mam muab qhia rau sawvdaws ntxiv.

10. Cov kev ceeb toom no yog hloov cov kev ceeb toom thaum lub 3 hlis hnuv 27, lub 4 hli nub tim 14 thiab lub 5 hli hnuv tim 18, 2020. Tus Thawj Saib Kev Nyab Xeeb muaj feem yuav hloov tau ntxiv yog tias muaj kev yuav tau hloov. Qhov kev ceeb toom no yuav tsum tau siv mus txog thaum muab rho tawm tsis siv ntxiv lawm, los yog muaj kev hloov tshiab.

11. Xeev Kaslisfuanias Lub Chaw Saib Kev Noj Qab Nyob Zoo (CDPH) thiab lub Chaw Tswj thiab Tiv Thaiv Kev Noj Nyab Xeeb (CDC) muaj feem yuav hloov los yog ntxiv kev cai tswj ntxiv.

Kuv, uas yog tus thawj hauv Fresno Lub Chaw Saib Kev Noj Qab Nyob Zoo rau lub sijhawm thaum tseem tsis tau muaj tus thawj tswj, nquag hu sawvdaws kom txaus siab hlo koom tes nrog tus tuam thawj saib kev nyab xeeb cov lus ceeb toom (xaj) no. Yog hais tias tsis ua raws txoj cai muaj feem yuav raug nplua, raug ntes kaw los yog ob qhov tib sis (Kaslisfuanias txoj cai kev nyab xeeb thiab kev tiv thaiv 120295)

Yog tsis ua raws txoj cai tswj no yuav raug nplua los yog raug kaw los yog ob qhov tib sis los ntawm cov kev cai tswj neeg raug txim:

Kaslisfuanias tsab cai txim txhaum tshooj 148 lub txim me (misdemeanor) uas yog tawm tsam los sis tab kaum, cov neeg ua hauj lwm rau pej xeem. Tub ceev xwm kav ntug nroog, thiab tub ceev xwm hauv zos muaj cai los saib thiab taug qab kom cov kev tswj ntawm tus thawj saib kev nyab xeeb cov lus ceeb toom (xaj) no mus taus zoo.

Kaslisfuanias tsab cai txim txhaum tshooj 69 lub txim loj (felony) uas yog raug nplua raws lub txim loj yuam cai tawm tsam tsis ua raws txoj cai uas tug tuam thawj koj cov cai uas tau ceeb toom (xaj) lawm los yog lam txhob txwm tsim kev kub txhov los cuam tshuam nrog cov tub ceev xwm tes hauj lwm. Cov tub ceev xwm kav ntug nroog, thiab tub ceev xwm hauv zos muaj cai los saib thiab taug qab kom cov kev tswj kev nyab xeeb uas ceeb toom (xaj) no mus taus zoo.

Kaslisfuanias tsab cai tshooj 409.5 tso cai rau tus tuam thawj saib kev nyab xeeb kaw tej thaj chaw uas tsim taus kev phom sij rau pej xeem kev nyab xeeb.

Kaslisfuanias tsab cai Kev Nyab Xeeb thiab Kev Tiv Thaiv tshooj 120275 thiab 120295 uas yog ib qhov txim txhaum me(misdemeanor) uas yog tawm tsam tej tshooj cai ntawm Kev Nyab Xeeb thiab Kev Tiv Thaiv, xws li cov kev tswj kom tej tus tib neeg yuav tau ua raws thiab yoog nrog cov kev ceeb toom(xaj) kom cai los sis ceev txhob nyob ze lwm tus.

Rais Vohra MD

---

Rais Vohra, MD  
Thawj Saib Kev Nyab Xeeb

5/20/2020

---

### **DAIM NTAWV CEEB TOOM TXOG KOJ TXOJ CAI**

- 1.** Yog koj tsis pom zoo rau cov kev ceeb toom cais/txwv no, koj muaj cai nrhiav koj tus kws lij choj los tiv thaiv koj uas koj yuav tau tshwm nyiaj ntawm koj ntiag tug.
- 2.** Koj haj tseem mua peev xwm siv txoj cai (Writ of Habeas Corpus) uas yog Kaslisfuanis tsab cai teem txim nqi 1473 los tiv thaiv koj.
- 3.** Koj muaj cai thov kev tso cai txog kev txwv cais koj tus kheej kom txhob nyob nrog lwm tus, uas hu tau tuaj rau FCDPH ntawm (559) 600-3332 rau lub sij hawm ua hauj lwm – hnuv vas cas txog vas xuv thaum 8:00 teev sawv ntxov txog 5:00 teev tsaus ntuj.
- 4.** Txhuas qhov kev xav tau, yuav tau hu rau Fresno County Tus Thawj Saib Kev Nyab Xeeb los ntawm Fresno Lub Chaw Saib Kev Noj Nyob Zoo FCDPH ntawm (559) 600-3332 rau lub sij hawm ua hauj lwm – hnuv vas cas txog vas xuv thaum 8:00 teev sawv ntxov txog 5:00 teev tsaus ntuj.